

憲宗大王實錄

卷之一

甲午乙未丙申

0230294
no.1



230294 國立臺灣大學圖書館典藏
昭和7.10.10
由國家圖書館數位化

憲宗經文緯武明仁哲孝大王寶錄卷之一

大王諱奭字文應翼宗大王子丁亥統宗二年七月十八日辛酉統宗二年七月十八日辛酉統宗二年七月十八日誕降庚寅冊

封王世孫甲午十一月十八日己卯即位己酉六月六日壬申昇遐在位十

五年春秋二十三有辟容三本兩午辛亥奉于璿源殿有一女出宮人金氏無

嗣景陵在揚州從元陵西岡西坐卯向

妃孝顯王后金氏籍安領敦寧府事永興府院君贈領議政祖根女戊子統宗

八年三月十四日癸丑統宗誕降丁酉冊封王妃癸卯統宗八月二十五日乙丑

昇遐春秋十六景陵在揚州從元陵西岡庚坐甲向

繼妃大妃殿下洪氏籍南領敦寧府事益豐府院君在龍女辛卯統宗三年正

月二十二日丙子統宗誕降甲辰冊封王妃己酉六月九日進號大妃

純宗三十四年清道光十四年十一月己卯上即位于崇政門奉王大妃行垂簾聽政

禮于興政堂受朝賀頒教大赦○王大妃教曰主上既登大位追崇應行典禮

該曹擇日舉行○以朴宗薰為告訃兼奏請使李義準為副使成遂默為書狀

官○命監軍巡將公除前仍番○庚辰議大行大王謚曰文安武靖憲敬成孝

大王魂殿曰孝成廟曰純宗陵曰仁陵追崇孝明世子謚曰敦文顯武仁懿孝

明大王廟曰翼宗神殿曰孝和陵曰綏陵○禮曹啓言文祐廟追崇廟號纔已議定以入矣王大妃殿尊為大王大妃殿嬪官尊為王大妃殿而王大妃殿百官朝謁京外貢獻自今日舉行之意請知委允之○辛巳大王大妃教曰雖在哀違崩迫之中何可不仰體大行大王恤民之至意乎况畿湖屢經慘歉不可以常例責之兩道祭需卜定特為安徐內下內帑銀子六千兩兩道卜定量宜給代餘數使三都監分用雖以三都監所用分定物種言之亦為十分省約除其浮文以為一分報答遺意之道以此意廟堂三懸鈴行會於兩道道臣○壬午以金陽淳為司憲府大司憲洪稚圭為司諫院大司諫○癸未○甲申○乙酉○丙戌○丁亥○戊子○己丑大王大妃教曰舉士軍當抄出而以今紀綱漢城府五部下屬之憑藉民間誅求徵索之弊不可不念至窮殘獨之戶俾勿侵責之憲廟堂進來京兆堂上以此嚴飭此時部官尤當另擇一體分付○庚寅○十二月辛卯○壬辰○癸巳○甲午○乙未○丙申○丁酉○戊戌○己亥○庚子○辛丑○壬寅○癸卯○甲辰○乙巳上親行殯殿堂奠○丙午行藥院入診于興政堂召見時原任大臣閣臣奉朝賀南公轍領府事李相璜領議政沈象奎左議政洪奭周右議政朴宗薰啓言惟我殿下以冲幼之齡承付

昇之重我慈聖殿下以女堯之聖舉簾帷之儀莫不延頸拭目以觀政化臣等
頑忍苟存涕泣登對請以今日切要寢急之務略先陳之一曰慎起居殿下仲
年嗣服祖宗艱大之投擔在一身况氣血未充哀疚嬰心兩殿惟疾之憂百倍
恒日凡食飲服御興寢步履之際動靜語默喜怒好惡之節必以操慎為工恒
存四勿之戒務若六氣之候則斯乃作聖之基永符祈天之本二曰勤講學昔
明廟大行因山前宣廟臨筵講禮記喪禮篇蓋居喪未葬讀喪禮既葬讀祭禮
乃禮經之文先正臣宋浚吉引此以陳於顯廟初服而行之粵在庚申亦於公
除後即行講對此乃列朝成法也伏願自今勸講召對課日勤行臣等以為殿
下之勤學與否即係宗社生靈安危興替之關且開筵時慈聖之垂簾聽講亦
故事之可以倣行者也惟殿下懋哉三曰嚴宮闈譬之一身宮闈如腸肺公府
如肢體安有腸肺不清而肢體不病者乎蓋婦寺以納媚為忠僕隸以藉賣為
利僧尼巫祝之說或入於內宮禁嚴秘之事多宣於外窺覘行而讒慝萌皆此
輩之為耳願今國家多故人心靡屆整飭操束尤宜百倍况當冲齡凡尋常燕
閒之際易與此輩狎暱瑣屑玩戲之具易為此輩誘惑盡心志而累聖工皆由
此起宣廟冲年即阼御宦寺甚嚴常不與接言語朝野想望聖德實為今日所

當仰法惟殿下勉之四曰杜倖門夫爵賞者國家之大柄威福者人主之大權一有非法不公之事參錯於其間則私邪奸萌左右並進干嚙矯誣內外交攻其始也不過纖微之私若無足以大害於事而及其機械滑熟運流馴則終必至於大柄倒置大權撓奪苟不防微杜漸察細謹始則如鼠竇傍穿蠹孔潛蝕自窺覲而嘗試自投合而放肆即必然之勢也昔成廟初服奉保夫人請爵人上曰予以幼冲因內謁爵人則於國政何若復言者子必不貸此誠聖人之訓也蓋公私之分即紀綱之本也紀綱不立則憂勤雖切而治道不能徒行倖門不杜則刑威雖厲而紀綱不能自立惟殿下戒之五曰察民隱人主之職保民而已凡臣僚之自外來者守宰之因事至者必引見而詢訪導之盡言上之耳目常在於民民之心腹畢達於上則夫豈有不可祛之弊哉六曰節財用財者民命而即其膏血也我朝立國規模即是節儉二字而挽近以來或不免文勝之弊自衣服飲食之節居處帷帳之具至於婦寺僕隸之額數皆踰於古昔制度而殿下若以今日凡百認以元來如是則甚非所以先立聖志之道矣今日可言豈止於是而大經所在不出此數者矣慎起居為勤學之本嚴宮闈為杜倖門之本察民隱為節財用之本而又其大本則亶在殿下實心惟願深留

聖意毋忽焉批曰所陳諸條懇惻切實敢不服膺也○大王大妃教曰未亡人不過深宮一婦人奉大行王巾櫛三十餘年今當天地崩圻之禍變主上雖天姿英明猶是十歲以前軍國機務有難一一責望卿等以國朝故事懇請故萬不獲已至有此舉而本是女流無學問識見卿等國之大臣世篤忠貞被知遇之恩於大行朝之人也今日悠悠萬事保護主上勸勉聖學其次則愛恤百姓欲安百姓則先自朝廷舉措得宜廟堂則勉飭方伯方伯則操束守令俾無剝割貪墨之弊則百姓自安百姓安則國勢復奠於磐泰之安即今道理莫如上下盡祛浮文以實心行實政自今為始凡百軍國大事大臣卿宰爛熳商確停當以奏則予惟從之而已至若不可行不緊之事初勿舉論致煩酬應如是洞諭之後卿等若不盡忠竭力以輔幼主則是卿等負祖宗在天之靈也罪在於予則是予負祖宗也一日二日一年二年如是以過漸至主上長成之後朝廷寧謐民國泰平則未亡人有歸拜之顏卿等亦盡追先報今之責予言止此其各勉諸○以李魯秉為司諫院大司諫○王堂聯劄陳勉講學賜批○丁未○戊申○己酉○庚戌以趙萬永為扈衛大將○辛亥命山陵定於坡州舊長陵左岡○以徐萬淳為黃海道觀察使張教根為吏曹叅議○壬子行告訃燕請

謚請承襲使拜表于崇政殿○癸丑○甲寅○乙卯上御興政堂行藥院入診引見大臣備局堂上○命京畿嶺南道臣越俸以殿最不嚴也○命申明舊式嚴禁各官家非理占稅及囚鎖平民之弊○命陵役時濟州民人勿為越海赴役○領敦寧趙萬永疏略曰宗廟之曩典最重乎觀德人君之盛節莫大乎不桃蓋世室之謂也世室之定必在當桃之時而若其隆功厚德當享百世則亦不以此為拘雖以我家已行之故例言之每不待當桃而後始議斯禮也然則以我大行大王三十四年巍蕩之化豈於此世室之議可容一日緩哉洪惟我大行大王姿挺上聖躬致太平由百世而接勳華之道心以千乘而著曾閔之至行以至禹之克儉于家文之視民如傷湯之不邇聲色不殖貨利自古稱三王之盛者我大行大王兼有其美此非臣一人之私言也是以發於政令施措之間及於聖神功化之極則廓闢歐巴之邪教肅清潢池之醜類闡明我國是以承先王之精義全保我世臣以遵列朝之遺訓導率我士趨以揭千聖之大統用能永享天心垂裕後昆親賢樂利雖沒世而不忘尊富饗保在大德而必得伏願仰稟東朝俯詢大廷克定我大行大王世室之禮批曰卿之此言予實感歎而事係莫重當仰稟東朝矣○丙辰○丁巳○戊午都政下批以李勉昇

為工曹判書宋冕載為司憲府大司憲閔英世為司諫院大司諫○己未○庚
申京兆獻民數五部及八道都元戶一百五十七萬八千八百二十三戶人口
男女並六百七十五萬五千二百八十口

憲宗經文緯武明仁哲孝大王實錄卷之一

憲宗經文緯武明仁哲孝大王實錄卷之二

元年

清道光十五年

正月辛酉○壬戌○癸亥命蠲坡州舊還及癸巳甲午田稅大同

以陵役勞民也○甲子○乙丑中批以趙寅永為吏曹判書○丙寅命大行大

王世室應行儀節依諸大臣議即為舉行○勸講于景賢堂講小學○召對于

景賢堂○丁卯勸講于景賢堂閣臣朴綺壽曰講筵規例前受音則必掩卷而

誦矣上曰昨日大臣請讀前受音故開卷讀之耳綺壽曰臣自丙寅以後屢參

大行朝經筵而前受音則必掩卷而誦之講體本自如是矣○召對于景賢堂

○備局以貢市人詢瘼覆啓大王大妃教曰因漁夫契貢人事而思之此外各

貢各廬又必有掖屬及法司下隸輩科外侵漁難堪之弊而貢市人輩不敢訴

寃矣自廟堂到底禁察而若有犯者這這草記重勘立廬市民之西關銀本自

正宗朝特為許貸之事也到今為五十餘年矣餘在三千兩特為蕩減以體昔

日各別軫念貢市人之聖意○戊辰勸講于景賢堂○召對于景賢堂○召見

黃海監司徐萬淳于興政堂辭陞也大王大妃教曰卿以世祿之臣此時此任

職責尤別凡所治民撫輯之方應不待予言而殫誠矣蓋方伯之職按察一道

黜陟守令生民休戚關係至重而近來守令之不法者雖至於浚民膏澤為方

伯者舉皆掩置無所懲畏其為德於守令則固有矣其貽害於國家者當如何切勿以勢家巨族拘於顏私有所容庇治否善惡一一詳探精白對揚以副委寄之意也○己巳勸講于景賢堂○召對于景賢堂○庚午上御興政堂引見大臣備局堂上領議政沈象奎啓言頃伏奉畫祛浮文以行實政不緊之事勿煩酬應之慈教又稽辛酉初元亦有中外奏牒商確裁減之舉矣今當講筵日開寸陰是惜之時不宜以此闊漫例奏或妨時敏之工凡諸道狀啓中傳謄舊例逐月登聞之可合省除者令諸有司及知申相議錄出以為經稟裁減之地從之左議政洪奭周啓言繡衣所以上裨聰明下達幽隱朝廷不可廢之大政也初元急務莫先於詳察民情不必一時並違於諸道隨其緩急抽柱輪遣而其有罪狀現發者嚴施一切之法則既足以懲一勵百雖不必入於柱邑者亦當有悚息知警之效矣○勸講于景賢堂○召對于景賢堂○以金在昌為兵曹判書○辛未勸講于景賢堂○召對于景賢堂○壬申勸講于景賢堂○召對于景賢堂○以徐憲淳為司憲府大司憲全興根為全羅道觀察使○癸酉勸講于景賢堂○召對于景賢堂○上親行殯殿朝奠及告由祭○大行大王尊為世室告由于宗廟永寧殿景慕宮文祐廟上御崇政殿頒教赦○甲戌勸

講于景賢堂○召對于景賢堂○教曰頒赦時禮房承旨權敦仁加資殞殿親

行告由時代奠官典完君是應大祝修撰洪鍾應並加資○乙亥勸講于景賢

堂○召對于景賢堂○大王大妃教曰故判書金基厚停啓尹行德復官爵○

京各司各營進甲午會計簿戶曹餉廳惠廳兵曹制局禁營物營檢廳時在黃

八百十六兩一錢零錢文五十四萬八千四百六十五兩六錢七分銀子三十四萬二千

五兩六錢三十八兩六錢一千八百八十四兩四錢一分一錢二分銀子一百八

二升零田米一萬二千七百九十九石六斗八升零太一萬五千三百八十九石四

斗零皮雜穀三萬五千零一石六斗八升零太一萬五千三百八十九石四

四點沈啓錫許晟朴宗休金龍洛宋尚王李源益洪在詰金東健李寅臯權潒

金錫淳尹致秀李謙在李埏李明迪韓鎮庭嚴錫履趙鶴年韓宓履洪羲錫尹

致定徐元淳李公翼趙秉恒金在田尹滋畊金公鉉趙得林成原默沈宜升取

三十人○丁丑勸講于景賢堂○召對于景賢堂○命李肇源罪名交周金基

叙放送○戊寅以金學淳為司憲府大司憲李禮延為司諫院大司諫○勸講

于景賢堂○召對于景賢堂○己卯勸講于景賢堂○召對于景賢堂○庚辰

勸講于景賢堂○召對于景賢堂○以李奎鉉為吏曹參判○召見山陵都監

堂上于興政堂提調徐耕輔李勉昇金致報辭陞也○辛巳勸講于景賢堂○召對于景賢

堂○以任聖臯為三道統制使兼慶尚右道水軍節度使○壬午勸講于景賢堂○召對于景賢堂○癸未勸講于景賢堂○召對于景賢堂○甲申○乙酉○丙戌○丁亥勸講于景賢堂○召對于景賢堂○戊子勸講于景賢堂○二月庚寅上親行殯殿朔奠○勸講于景賢堂○召對于景賢堂○辛卯勸講于景賢堂○壬辰勸講于景賢堂○召對于景賢堂○甲午御興政堂引見大臣備局堂上○以權敦仁為刑曹判書李濟和為忠清道兵馬節度使朴著會為全羅左道水軍節度使○乙未勸講于景賢堂○召對于景賢堂○丙申勸講于景賢堂○召對于景賢堂○丁酉勸講于景賢堂○戊戌勸講于景賢堂○召對于景賢堂○己亥勸講于景賢堂○命義州等被災戶捐助人等並施褒賞之典○庚子勸講于景賢堂○召對于景賢堂○辛丑勸講于景賢堂○召對于景賢堂○壬寅勸講于景賢堂○癸卯勸講于景賢堂○甲辰上親行望莫于魂殿○勸講于景賢堂○召對于景賢堂○以宋稚圭為司憲府大司憲○乙巳勸講于景賢堂○召對于景賢堂○丙午勸講于景賢堂○召對于景賢堂○丁未勸

講于景賢堂講小學上曰宰相何官也閣臣鄭基善曰我朝二品以上稱宰相矣上曰二品以上何等官也基善曰自叅判為從二品矣上曰判書亦宰相而正一品從二品之秩耶基善曰叅判為從二品判書為正二品崇政崇祿則從一品大臣與輔國為正一品矣基善曰此章中立身二字為綱領孝悌之道雖急遽之時必恐懼戒謹戰兢自持則驕易之心不得生矣上曰戰字何義也基善曰此云戰戰者恐懼之貌而本旨則兵刃相接之事也上曰兵刃相接何事也基善曰諸侯相伐曰戰以今俗言之則閭巷愚蠢之民或以血氣之憤互相爭鬪此亦曰戰也○戊申上親行晝茶禮于殯殿○勸講于景賢堂○召對于景賢堂○己酉勸講于景賢堂○召對于景賢堂○庚戌勸講于景賢堂○以洪命周為陳賀兼謝恩正使尹聲大為副使趙鶴年為書狀官以皇后冊封皇太后加上徽號也○辛亥○壬子○癸丑○甲寅○乙卯○丙辰○丁巳○戊午大王大妃教曰山陵土色未洽腦石有破傷之慮云役事即為停止恣護使以下更為看審吉地又教曰相地官李時復具格拿來囚○己未三司聯劄請亟斬李時復賜批○三月庚申以李應植為咸鏡北道兵馬水軍節度使○辛酉以尹義倫為咸鏡南道兵馬節度使李熙輔為全羅左道水軍節度使○壬

戊○癸亥○甲子○乙丑召見全羅監司金興根于興政堂辭陞也大王大妃
教曰下去善為之善與不善九重雖深邃自有入聞之道操束守令撫恤民生
無使民怨及於朝家則是乃酬國厚恩之道惕念為之○丙寅大王大妃命山
陵移卜於交河長陵局內○丁卯○戊辰上親行寒食別茶禮于殯殿○己巳
○庚午○辛未○壬申上親行上謚告由別奠及改銘旌別奠上謚冊寶于殯
殿○癸酉○甲戌上親行望奠于殯殿○上御興政堂行藥院入診引見大臣
備局堂上○召見回還冬至三使臣于興政堂大王大妃掩泣曰卿等之去也
大行朝臨筵送之今者不監其還而予為此舉措與冲君召見卿等天理人事
豈如是乎今番一行果無事往還乎李翊會等曰無事往返矣○誅李時復時
復關西人也官陽德縣監以堪輿業發跡力擅山陵事坡州始役也土色既不
吉則移插標木於上下到處穿毀專事欺蔽大臣三司迭奏之承服正法○乙
亥勸講于景賢堂○召對于景賢堂○誅謗書論音僞造人崔公弼○丙子勸
講于景賢堂○丁丑勸講于景賢堂○戊寅勸講于景賢堂○己卯勸講于景
賢堂○召對于景賢堂○庚辰勸講于景賢堂○召對于景賢堂○辛巳勸講
于景賢堂○召對于景賢堂○告訃正使朴宗薰副使李義淮以自燕離發啓

大行大王謚號宣恪

善開周達曰宣恪威容楊辰曰恪

翼宗

大王謚號康穆

溫柔好善曰穆

○壬

午勸講于景賢堂○命判府事李義甲遠接使金道根館伴差下○以許榮為

慶尚左道兵馬節度使○癸未勸講于景賢堂○召對于景賢堂○甲申勸講

于景賢堂○大王大妃教曰山陵更定於長陵局內期限急迫工役浩繁民力

當倍加矣坡州已施之事今豈異同乎交河郡當年納結錢及壬癸兩年停退

軍錢一並蕩減○乙酉勸講于景賢堂○召對于景賢堂○丙戌勸講于景賢

堂○山陵都監提調李勉昇卒于役所命錄其子○丁亥勸講于景賢堂○召

對于景賢堂○戊子勸講于景賢堂○召對于景賢堂○己丑勸講于景賢堂

○召對于景賢堂○以李翊會為工曹判書徐有槩為議政府左叅贊李紀淵

為右叅贊○四月庚寅上親行朔奠于殯殿○辛卯○壬辰召見陳賀三使臣

于興政堂

正使洪命周副使尹聲大書狀官趙鶴年

辭陞也○癸巳○甲午以洪敬謨為刑曹判書

○乙未○丙申○丁酉上親行朝奠于殯殿○戊戌以李穆淵為吏曹叅議李

悌彬為慶尚左道水軍節度使○己亥○庚子○辛丑召見回還奏請三使臣

于興政堂右議政朴宗薰啓言臣到平山聞吏隸逃散庫藏空枵邑不成揀支

勅罔涯蓋緣前倅貪鄙苛刻政無頭緒稱以收逋虐下撓民以至於此云平山

前府使李鍾英令該府拿問嚴勘以為懲貪暴謝平民之地至於邑吏之一齊
逃匿朋怨胥動必有其倡亦令道臣嚴查重處大王大妃從之○壬寅○癸卯
上親行晝茶禮于殯殿○甲辰啓攢宮上親行望奠別奠晝茶禮于殯殿○乙
巳上親行朝奠朝上食晝茶禮祖奠于殯殿○丙午設朝時行奉辭禮○丁未
還御昌德宮○戊申葬我純宗大王于仁陵○上行下玄宮時初虞祭時望哭
○己酉純宗大王虞輿至自仁陵上行祗迎禮○庚戌○辛亥○壬子以金鎔
為謝恩正使李彥淳為副使朴宗休為書狀官○癸丑判下陳奏兼奏請正使
以下別單副使李義準書狀官成遂默並加資○甲寅○乙卯上親行五虞祭
于魂殿○丙辰○丁巳○戊午○五月己未○庚申殯殿國葬山陵三都監檢
護使以下施賞有差提調兵曹判書金在昌知事朴周壽戶曹判書李止淵判
尹鄭基善禮曹判書金蘭淳大護軍徐畊輔知敦寧金教根大護軍權敦仁都
廳副司直金箕晚副司果朴宗吉副司直李在鶴副司果洪祐順李遠翊宗戚
執事忠清監司金在三代奠官興完君是應謚狀製述官吏曹判書趙寅永哀
冊文書寫官知事洪羲俊誌文製述官判府事金迨根虞主書寫官護軍朴晦
壽封閉官申冕周初喪承旨李穆淵陪從承旨閔致成鄭禮容上謚時禮房承

旨洪稚圭並加資○忠清兵使李濟和以前月二十七日驟雨雷電大作霎時
間本城火藥庫八間為霹靂壓碎火藥一萬二千八百斤燒散無餘啓○辛酉
以徐英淳為吏曹叅議○壬戌上詣仁政殿迎勅受帛○勅諭皇帝勅諭朝鮮
國王世孫李 覽奏爾祖王薨逝朕心惻然據王妃金氏奏稱爾賦性聰明幼
敦仁孝夙有長人之德為國人所戴請冊承襲朕俯循輿情特允所請茲遣官
齋詔誕告爾國封爾為朝鮮國王繼理國政並賜爾誥命彩幣等物爾宜永矢
靖共懋績承於侯服迪宣忠順作屏翰於天家爾其欽哉毋替朕命故諭○皇
帝制曰建侯樹國綏猷恢柔遠之恩崇德象賢謹度承重祧之選輯共球而濟
美亮采有邦綿帶礪以凝禧式序在位修其禮物舊有令聞質爾人民昭哉嗣
服爾朝鮮國王世孫李 揚芬玉穎毓粹齒年岐嶷協於輿情似續延其福緒
當熊占之卜吉早論馳課維燕翼以貽謨彌昭譽望勝衣閱歲欣徵著代於東
封賜履基提聿愜升儲於左海載俞葵表申錫茅封專責綸函兼領綺幣特封
爾為朝鮮國王於戲連城演澤紹封章禮義之風肯構膺休繼序秉溫文之德
資忠移孝肅修世範於藩畿開國承家渥被恩暉於使節允綏言祚益懋榮勳
欽哉○皇帝制曰藩服延休續緒式循於繼序孫枝奉業褒親宜逮以追崇念

請命之維虔禮隆溯本稽易名之有典義許推恩爾朝鮮國故世子李 夙稟

朝封早孚民望屬年華之不永致爵位之未膺茲以爾嗣子李 襲封國王加

恩追贈爾為朝鮮國王謚曰康穆於戲制自緣情錫命慰永祧之志名維從實

傳家昭奕葉之榮祗服寵光永垂後祉○皇帝制曰責龍綸而錫祉恩光酬屏

翰之勲昭燕翼以貽型懿德式珩璜之範繁徽音之繼序宜嘉命之優崇爾朝

鮮國故世子李 之妻趙氏華胄鍾祥璇閨謹度既無慚於婦德更允協乎母

儀茲以爾嗣子李 襲封國王加恩追贈故世子李 王爵封爾為朝鮮國王

妃於戲暈翟彰榮爵本從夫而受祜責琛恪職貴還因子以承麻特沛恩施聿

頒誥命○祭文維道光十五年歲次乙未二月朔庚寅越二十九日戊午皇帝

遣正使散秩大臣乾清門行走一等忠勇公慶興副使散秩大臣正藍旗漢軍

副都統奉宸院卿內閣學士兼禮部侍郎一等繼勇侯倭什訥諭祭於朝鮮國

王李 之靈曰璆冊分符瀛渤效景風之瑞珮筵賜卹芬苾推湛露之恩爰徵

柔遠於曩章益懋飾終於屏翰爾朝鮮國王李 備藩青社奉職丹垠八道宣

仁紹家邦而肯構一心吐欵占律序而來庭晉綏久法乎朝宗豐賚均霑於陪

貳方冀承華奕葉永荷龍光何圖戡景滄波倏嗟駒隙眷言嗣服載責綵綸乃

示榮褒俾崇妥侑於殿休聲勿替長延東海之雲初靈爽未溼猶望北宸而星拱歆茲嘉薦庶克祗承○癸亥○甲子○乙丑○丙寅○丁卯大司憲宋稚圭以草莽臣徒縣道上疏陳慰批曰卿即我純宗冊儲初胄筵之臣也宜其追報之誠非比他人而今此陳勉亶出忠愛敢不眷眷而服膺乎然輔導必待山林之宿德啓沃尤貴朝夕之納誨望卿勿以官職為辭亟回東岡之固守輔子冲人之不逮○戊辰以李相璜為實錄摠裁官○己巳○庚午○辛未○壬申○癸酉○甲戌月有食之○乙亥○丙子○丁丑上追崇謚冊寶于文祐廟○翼宗大王追崇題主後自文祐廟奉安于孝和殿○舊主置安于壘進發至陵所埋安上詣弘化門祗迎親行奉安祭○翼宗大王追崇後上御仁政殿頒教中外大赦○命追崇慶科以世室慶科合慶為之○戊寅○己卯翼宗大王追崇上謚冊寶孝和殿奉安時都監都提調以下施賞有差提調行大護軍金箕殷刑曹判書洪敬謨右叅贊李紀淵都廳應教徐念淳副應教權用經題主書寫官禮曹判書朴岐壽並加資○孝和殿奉安祭獻官以下施賞有差典祀官奉常正崔漢翼執禮曹叅議李嘉愚並加資○行大提學會圖六點金道根趙寅永徐有槩鄭元容申在植○以申在植為大提學○以金道喜為京畿觀察

使趙寅永徐有榘為奎章閣提學朴永元為直提學○庚辰朝講于熙政堂○
召對于熙政堂○辛巳○壬午○癸未朝講于熙政堂左議政洪奭周啓言伏
覲昨日慈教有別厲祭不卜日設行之命見今疾疹之流行不獨都下為然八
路諸邑在在滋熾自禮曹關飭各道即為啓聞設行從之○甲申召對于熙政
堂○乙酉朝講于熙政堂○丙戌晝講于熙政堂○丁亥朝講于熙政堂左議
政洪奭周曰臣之猥登講筵今亦屢遭矣罕有承聞於下答者臣等所奏必有
見概於聖心而可以留意採納者亦必有不概聖心而可以反覆辨難者章句
文義之中亦當有疑晦難曉而不可不質問者君臣之間猶家人父子也何言
之不可道何事之不可言乎自今以後頻賜下答亦須隨處問難俾有流通乎
格之效區區之望也○戊子晝講于熙政堂○六月己丑上親行晝茶禮于魂
殿○庚寅朝講于熙政堂○辛卯勸講于熙政堂○壬辰勸講于熙政堂○癸
巳勸講于熙政堂○以李翊會為司憲府大司憲鄭基一為司諫院大司諫金
道根為禮曹判書朴岐壽為工曹判書○甲午勸講于熙政堂○乙未勸講于
熙政堂○召對于熙政堂○丙申勸講于熙政堂○丁酉勸講于熙政堂○戊
戌勸講于熙政堂○領議政沈象奎疏辭議政之任許之○以朴晦壽為刑曹

判書洪學淵為成均館大司成○己亥勸講于熙政堂○以李鐵求為左邊捕盜大將○庚子勸講于熙政堂○辛丑勸講于熙政堂○壬寅勸講于熙政堂○癸卯上親行晝茶禮于魂殿○勸講于熙政堂○甲辰大王大妃命勸講盛暑間姑停○乙巳○丙午上親行誕辰酌獻禮于魂殿贊禮以下施賞有差執禮吳取善大祝金東健左通禮李發源右通禮金永默禮房承旨嚴燾並加資○丁未○戊申上御熙政堂行藥院入診引見大臣備局堂上左議政洪奭周日向夜風勢獍猛葦蕪窮戶不免傾頽間或有人命見傷者飢病之餘罹此暴露別施特典以示軫恤之意恐好矣大王大妃曰因病出幕之類亦必夥然而日前風雨病幕想多頽傷此輩之無所庇身尤可矜惻似此者先為摘奸顧恤似不可已矣以筵教分付五部使之斯速舉行也大王大妃曰補賑雖非光鮮之事而今番都政則必為區處毋至失信可也大王大妃命因山時沿路所損民田令道臣查出登聞後蠲減與周又啓言伏見日前慈教有勸講盛暑間姑停之教學問之工最以間斷為患自今至涼生之後其為害又豈十寒而已哉若以聖躬之過勞為慮則減其行數少其遍數亦無不可矣大王大妃從之○慮京外諸囚○己酉○庚戌○辛亥○壬子大王大妃教曰日前風雨之後政

爾懂懂即見畿伯狀啓喬桐所管松家島三百戶沉墜人命淹死者七十餘人云癘疫之餘又當如此意外之災彼島民輩何以聊生乎被水民戶畿伯抄出有役者當年公私役及稅蠲給無役者別給恤典使之安堵益盆均廳之稅亦為區別減給之意分付○癸丑行都政以朴晦壽為司憲府大司憲金胤根為司諫院大司諫李祖榮為成均館大司成朴晦壽為冬至正使趙斗淳為副使韓鎮庭為書狀官金熙華為刑曹判書○甲寅備局啓言昨日都政前郡守林尚沃除拜龜城府使矣尚沃以昨年灣府水災後出義捐財之勞因本司回啓得蒙外職調用之承傳而第念府使之於郡守既係陞擬尚沃以前任郭山郡守居中於昨臘殿最堂上中考與下等無異則半歲之間遽然舉擬於拔例陞擬之窠終有乖於重考績慎揀揀之意當該政官推考林尚沃新除之任請改差允之○乙卯○丙辰○丁巳○戊午○閏六月己未○庚申斬弒父罪人韓明辰咸興人也○辛酉○壬戌○癸亥○甲子○乙丑以李紀淵為平安道觀察使○丙寅○丁卯○戊辰○己巳以徐有槩為吏曹判書○庚午○辛未○壬申命禁祭不卜日設行祭官以承旨閣臣填差○癸酉上御熙政堂行藥院入診引見大臣備局堂上○甲戌○乙亥召對于熙政堂○丙子召對于熙政

堂○璿源譜略跋文製述官以下施賞有差纂修監印宗簿寺正鄭進明加資
○丁丑召對于熙政堂○吏曹判書徐有榘三疏辭職許之以金學淳代之○
戊寅○己卯召對于熙政堂○庚辰召對于熙政堂○辛巳以洪敬謨為司憲
府大司憲李敏會為司諫院大司諫○壬午○癸未上御熙政堂行藥院入診
引見大臣備局堂上左議政洪奭周啓言諸道燒燼戶恤典皆以十戶以上為
限而慶尚一道獨以二十戶為限臣未知其規例之初自何時而其一視之
義實不免斑駁之甚此後嶺南亦依他道例施行之意請分付賑廳及該道大
王大妃從之又啓言秋曹獄案稽淹之弊纔已筵奏申飭矣時判堂莅任之後
諸道稟啓之經年積滯者幾盡稟處情法可疑之得蒙平反者亦非一二而議
讞事體除律有正條明白援照者外設有可以容議之端但當具陳意見以俟
上裁而今番回啓之傳生者皆直以次律為請有欠慎重之意當該秋判推考
警責大王大妃教曰推考輕矣遞差右議政朴宗薰啓言因此言端有可仰達
者秋曹審理案中海西有姑殺婦之獄以姑為正犯矣非理毆子孫之婦至死
者徒三年故殺者流二千里即律文也所以示別於凡人蓋出於正倫訓俗之
義若情理絕悖者自當臨時稟旨而今此啓本直以正犯為斷者抑未深究於

制律本意乎請該道臣推考原文案使之釐正大王大妃從之大王大妃教曰
日前賓對備堂之不成貌操專由於占便今日進參又復無多殊極駭然實病
實故外並施罷職之典○以金箕箴為刑曹判書柳相弼為摠戎使○甲申召
對于熙政堂○乙酉○丙戌○丁亥召對于熙政堂○以朴齊聞為吏曹參判
金弘根為司憲府大司憲○七月戊子召對于熙政堂○己丑召對于熙政堂
○庚寅○辛卯以宋稚圭為司憲府大司憲○壬辰上御熙政堂行藥院入診
引見大臣備局堂上左議政洪奭周請嚴科場以收召人心從之○以韓益相
為江原道觀察使○召對于熙政堂○癸巳上詣孝和殿行秋展謁○召對于
熙政堂○召對于熙政堂○甲午上親行晝茶禮于魂殿○乙未設七夕製于
泮宮○丙申召對于熙政堂○丁酉○戊戌召對于熙政堂○己亥召對于熙
政堂○庚子召對于熙政堂○江原監司趙容和以原州等邑民戶漂頽啓大
王大妃教曰嶺東一路幾乎十室九空常切憧憧觀此狀啓民家頽壓為二百
戶人命滄壓死為三十餘名許多百姓失所遑遑之狀如在目見萬萬驚慘頽
壓戶則元恤典外各別顧助即為莫接俾無散而之他之獎滄壓死人生前身
還布一並蕩減莫接安堵一時為急新伯不日辭朝使之十日內交龜之意分

付廟堂○辛丑召對於熙政堂○壬寅行藥院入診于熙政堂召見江原監司韓益相大王大妃教曰近來何道無弊而本道則尤為凋瘵此則匪他故也守令方伯若有一分向國之誠則豈至於是乎所聞所見實為寒心卿之操守予已知之矣今以卿特為擇差畀以一路之重任按察之際以此意體行以紓朝家東顧之憂又教曰今番水災之孔酷民情慘然如在目見下去後務盡懷保之方俾無渙散之弊可也○召對於熙政堂○癸卯召對於熙政堂○甲辰○乙巳○丙午以金道根為訓練大將趙萬永為御營大將○丁未上御熙政堂引見大臣備局堂上及平安監司李紀淵大王大妃教于紀淵曰子之使卿出按關西意豈徒然卿必思昔年眷遇之恩且念今日之國勢措施之方似為靡不用極而近來民生之困瘁專在於守令之貪虐卿則勿為因循方便而益務澄清之政俾有實效也先大王每為軫念西北之人今若不能收用則恐違先王盛意清南北數千里之地豈無人材之可用者乎卿於下去之後盡心搜訪道薦以聞也○召對於熙政堂○戊申召對於熙政堂○己酉召見各道京試官都事于熙政堂大王大妃教曰惟我大行大王深軫科獎屢下辭教期於正士趨而慰人心在廷諸臣庶可以仰揣昔日苦心至意今當萬事於戲之餘京

外主試者不念追先報今之義或忽於敬畏之道敢欲濁亂於科場是無人心無臣分之人如此則何以為國乎予不多誥其各自量為之○上御仁政殿設秋到記表居首李晉翼講居首洪錫圭並直赴殿試○庚戌召對于熙政堂○辛亥召見前江原監司趙容和于熙政堂○召對于熙政堂○壬子召對于熙政堂○左議政洪奭周啓言文科增式年別試及庭試之有易書蓋欲以防奸也設法本意專欲使為主司者不得見舉子之筆跡而今之所謂易書只謄篇首數行及其考校之際無難取看其本草事之不誠莫比為甚如欲一依舊規畫謄全篇則見今一場對策之文輒至累千張謄寫考準之際將不免拖到屢旬且寫役既甚不些書手亦當益多鎖院之內添却許多閑雜之人求其清肅又安可得至於外邑易書其弊尤甚能書之吏遍排列邑紙墨之費皆出科歛貽害小民尤所當恤蔽一言曰可罷無疑如或以流來成典有難一朝盡罷則先從初試殿試而除其易書亦足使存舊章革流弊之意兩行不悖而科規變通事體不輕請博詢處之因大臣禮曹館閣堂上收議僉同命毋論初會試一併革罷○癸丑召對于熙政堂○甲寅○乙卯召對于熙政堂○丙辰召對于熙政堂○八月丁巳上親行晝茶禮于魂殿○召對于熙政堂○戊午召對于

熙政堂○大王大妃教曰今番增廣主上嗣服一初之慶科有司之臣若一毫

徠私是上負國家下忘祖先之人君臣上下當共為擯斥不齒人類而以士子
言之他日為公為卿者若得之不以其道則此先欺其君也以科場言之入門
時雜亂爭鬪之弊皆由隨從誤入之故為其父兄者各訓其子弟勿使犯法可

也○已未召對于熙政堂○召見前平安監司鄭元容于熙政堂○庚申召對

于熙政堂○翰園三點徐者淳李源庚申錫愚李墩鄭寂朝金洙根取六人○

辛酉上御熙政堂引見大臣備局堂上大王大妃命此後有初試文科更勿停

講○召對于熙政堂○壬戌召見三使臣于熙政堂謝恩正使金加副使李
彦淳書狀官鄭在綱辭

陞也○召對于熙政堂○癸亥召對于熙政堂○甲子召對于熙政堂○乙丑

上親行誕辰酌獻禮于孝和殿贊禮以下施賞有差執禮行副護軍李義肇執

尊副司果趙錫龜大祝副司果趙鶴年左通禮成龍申右通禮吳甲良禮房承

旨徐熹淳並加資○丙寅召對于熙政堂○丁卯禮曹以昭寧園園上莎草失

火延燒啓避殿減膳○戊辰○己巳召見奉審大臣以下于熙政堂昭寧園奉

審後入來也○庚午○辛未上親行晝茶禮于魂殿○壬申以李公翼為奎章

閣直閣金洙根為待教○癸酉○甲戌召對于熙政堂○乙亥勸講于熙政堂

○召對于熙政堂○丙子召對于熙政堂○丁丑夜一更有星見于西北方有
李○勸講于熙政堂○戊寅慧昏見於紫微垣天槍星傍色白尾長二尺距極
三十二度四更西沉差下測候官使之輪直○勸講于熙政堂○召對于熙政
堂○己卯勸講于熙政堂○以李顯英為京畿水軍節度使兼三道統禦使喬
桐府使○庚辰勸講于熙政堂○辛巳勸講于熙政堂○上御熙政堂引見大
臣備局堂上左議政洪奭周以星異乞策免大王大妃教曰災異之應咎實在
予以聽政言之萬不獲已雖有此舉終非為祥且婦人攸為之事豈有一事之
合於天心乎今以應天誠實之道勸予而大臣則引咎乎勿為如此殫竭心慮
以思消弭之道焉奭周啓言科場隨從之闖入日前慈教尤極申複至有論罪
家長之命而今番東堂一所場內爭鬪喧鬧互相毆打幾傷人命京華望族亦
多冒犯遠方人心何以鎮服問其家長則一為行知中樞府事朴周壽一為江
界府使趙基復趙基復則在任所勢難歸責周壽則初未及聞後又禁戢云且
崇品重臣事體自別而特飭之下不容全無警責從重推考兩家入場之儒生
並請令成均館施以停舉罰大王大妃從之大王大妃命關東方物朔膳限五
年停封貢篆餘數並移作京貢○壬午勸講于熙政堂○癸未勸講于熙政堂

○推鞠昭寧園放火人金龍希誅之龍希以圖諫謀陷園官被覈輸款○甲申勸講于熙政堂○召對于熙政堂○以權敦仁為刑曹判書○乙酉勸講于熙政堂○丙戌畫講于熙政堂○召對于熙政堂○九月丁亥上親行畫茶禮于魂殿○勸講于熙政堂○刑曹判書權敦仁叅判李穆淵叅議尹滋畊聯疏略曰臣等伏見因捕廳啓目大王大妃傳教下者罪人鄭日孫移送秋曹嚴刑三次後限己身絕島為奴矣臣等謹按大明律凡盜神祇御用祭器帷帳等物者皆斬大典通編御厨物偷竊者以盜大祀神御物律論今茲現失器用其所重何如渠既以偷竊自服則情犯己具斷案而特教傳生臣等固知聖意之出於天地大德而王府金石斷不當撓枉伏乞更加三思施以當施之律焉批曰傳生出於慈殿特教即為舉行○戊子勸講于熙政堂○上御春塘臺行九日製取京外凡一百人施賞有差○己丑勸講于熙政堂○召見入格儒生于熙政堂○庚寅勸講于熙政堂○辛卯上御熙政堂引見大臣備局堂上左議政洪奭周啓言星文示警今已踰旬而朝廷之上聞無一言言路之閉塞至此豈非國家莫大之憂哉三司諸臣之噤默者終不可無警並姑從重推考亦願自上益懋恢張之道以盡耒諫之方大王大妃批曰所陳好矣依為之星象雖云消

咸此心豈敢少忽乎亦自廟堂殫誠盡職可也與周又啓言官師相規自是朝廷義事而廟堂之於百僚隨事糾警即其職然也在昔盛際卿宰之立庭於政府至今以為美談此固尚矣無論而近來崇品重臣之因大臣論奏譴罷者收叙之後不復深引重踏宿跡者臣亦曾及見之矣乃者數三卿宰之緣微事被推者輒以是把作情勢期於遞解而後已若此不已則居廟堂者其將緘口袖手而不得出一言責勵羣工乎如臣無似叨冒匪據體統之輕咎實自招而流來舊規亦不容緣臣而一任壞了自後因此等事辭免者並勿從施申以飭勵俾無撕捱恐亦為尊朝廷之一道故敢達矣大王大妃從之○勸講于熙政堂○壬辰勸講于熙政堂○水原留守趙寅永疏略曰即伏聞大僚所奏以卿宰被推期於遞職多所論列至以尊朝體係後獎為辭臣歷數近日卿宰被推而遞職者則臣實其人竊伏念廉防者有國之四維也臣以此情踪諉之以事屬既往職在外任抗顏為冒赴之計則其為壞廉防反有甚於朝體後獎之有關係者伏乞特勘當律批曰大臣之言出於泛論卿何必為引乎勿辭即為往赴再疏許之○癸巳勸講于熙政堂○召對于熙政堂○甲午勸講于熙政堂○乙未勸講于熙政堂○命嚴覈湖南儒生洪秉斗之罪秉斗以雲峯人竊籍礪

山分券被選於左右道文科初試因禮曹草記允之○丙申晝講于熙政堂○以李光文為司憲府大司憲李晉淵為司諫院大司諫○丁酉勸講于熙政堂○戊戌勸講于熙政堂○己亥慶科增廣監試覆試一所芮大烈任五常二所閔成鏞申錫球居首○勸講于熙政堂○左議政洪奭周劄略曰臣近聞庭試武科初試開場之後遠方武士絕無應舉之人問于兵曹則設科日子初不知委云因有司之錯誤俾八方操弓之類皆不得與觀光之列臣謂該曹判堂亟施譴削之典已設之試亟令撤罷更擇日子頒示中外俾八路舉子咸得赴期同赴以為重科體慰羣情之道批曰所請並依施○庚子勸講于熙政堂○以徐有渠為兵曹判書○辛丑勸講于熙政堂○壬寅勸講于熙政堂○癸卯勸講于熙政堂○甲辰勸講于熙政堂○乙巳勸講于熙政堂○丙午上御仁政殿行生進放榜○勸講于熙政堂○丁未勸講于熙政堂○上御熙政堂受生進謝恩○戊申勸講于熙政堂○己酉勸講于熙政堂○庚戌勸講于熙政堂○辛亥上御熙政堂引見大臣備局堂上大王大妃命革八路契防保率及各色閑丁漏縱之弊○勸講于熙政堂○壬子勸講于熙政堂○癸丑勸講于熙政堂○甲寅上御春塘臺設別科取韓啓源等五人○乙卯彗星滅○勸講于

熙政堂○以洪稗圭為司諫院大司諫○十月丙辰上親行晝茶禮于魂殿○
勸講于熙政堂○丁巳勸講于熙政堂○戊午勸講于熙政堂○以金蘭淳為
刑曹判書○己未勸講于熙政堂○庚申勸講于熙政堂○辛酉勸講于熙政
堂○增廣文武科覆試文取申佐模等三十三人武取宣時永等二百十八人
○壬戌勸講于熙政堂○癸亥勸講于熙政堂○甲子勸講于熙政堂講小學
閻臣徐有渠曰此段所論即斥佛之辭也佛道本出於西夷後漢明帝時始入
中國降及六朝漸益熾盛浸淫至於唐宋之際聰明俊秀之才無不為其誘引
奏未畢上曰佛道有何可樂而如是薰染乎有渠曰此所云窮神知化無不周
徧皆其聰明俊秀之才所樂聞而實不知其終歸於虛無寂滅毀絕曩倫之歸
此所以程朱斥佛之功可與夏禹抑洪水等也東國入我朝以後治教休明異
端之說不啻若熾火之熄而但凡正道與異端之辨必須窮格事物之理然後
始可瞭然於心目而窮格又不可徒言為也窮格之工須資於讀書讀書之要
又惟在於設疑發難此一款深留聖意焉○乙丑○丙寅召見別科文武新恩
于熙政堂○勸講于熙政堂○召見補土堂上金迥根權敦仁于熙政堂山陵
補土後入來也迥根啓言臣於令行聞本郡流亡戶當捧新舊還各穀恰為四

百石勢將侵及隣族本郡自春以來偏當鉅役既失農業又值歉歲若以流亡之還加之隣族則民勢之顛連益無可言蠲蕩之舉有非自下仰請者而所見極為矜憫故敢達矣大王大妃教曰此係百姓切骨之寃且陵寢所奉之地不可無特恩特為蕩減○丁卯勸講于熙政堂○山陵補土堂上以下施賞有差○戊辰設增廣文武科殿試于春塘臺文取李晉翼等三十七人武取許雲老等四百十人○勸講于熙政堂○己巳勸講于熙政堂○庚午勸講于熙政堂○辛未勸講于熙政堂○壬申勸講于熙政堂○以金箕箴為吏曹判書鄭元容為司憲府大司憲李景在為司諫院大司諫○癸酉召見三使臣于熙政堂冬至正使朴晦壽副使趙斗淳雪狀官韓鎮庭辭陞也○勸講于熙政堂○甲戌勸講于熙政堂○乙亥上御熙政堂引見大臣備局堂上親受文武科謝恩○晝講于熙政堂○丙子勸講于熙政堂○以沈象奎為宗廟增修都監都提調金迥根李止淵朴岐壽為提調○丁丑勸講于熙政堂○戊寅勸講于熙政堂○己卯勸講于熙政堂○差下增修都監都廳金大根尹興圭○庚辰勸講于熙政堂○辛巳勸講于熙政堂○壬午勸講于熙政堂○癸未勸講于熙政堂○甲申勸講于熙政堂○乙酉勸講于熙政堂○十一月丙戌上親行朔祭于魂殿○丁亥○戊子

○己丑召對于熙政堂○以宋冕載為司憲府大司憲金胤根為司諫院大司諫○庚寅○辛卯○壬辰○癸巳以姜世綸為司諫院大司諫○甲午○乙未○丙申○丁酉○戊戌上詣孝成殿親行練祭及晝茶禮○己亥行藥院入診于熙政堂召見時原任大臣閣臣及領敦寧增修都監堂上○大王大妃命太廟永寧殿修改時坊民赴役安徐○練主都監堂郎及魂殿堂上守侍陵官以下施賞有差練主書寫官行護軍李志淵練主出納及浴主大枕應教趙秉憲守陵官興寅君最應并加資○庚子上親行晝茶禮于魂殿○辛丑○壬寅○癸卯○甲辰○乙巳上御熙政堂引見大臣備局堂上大王大妃命另恤無依幼稚仍飭遺棄兒收育左議政洪奭周啓言我朝專以崇儒右文為家法而挽近俗習漸變反以讀書為羞耻者久矣今日林下旌招之士只有兩儒賢而年皆篤老繼此抄選之舉有不容緩見今政月不遠宜先另飭銓曹毋論筮仕與甄用必以劬經砥行之士擇為舉擬之首以示朝家風厲作興之意大王大妃從之○擢祭酒宋稹圭為資憲大夫副護軍宋啓榦為嘉善大夫以正廟抄選儒賢也○丙午以徐左輔為吏曹叅判李若愚為成均館大司成○丁未○戊申○己酉○庚戌召對于熙政堂○辛亥召對于熙政堂○壬子召對于熙政

堂○癸丑召對于熙政堂○以李景在為吏曹參議○甲寅召對于熙政堂○
十二月乙卯召對于熙政堂○丙辰召對于熙政堂○丁巳召對于熙政堂○
戊午召對于熙政堂○己未召對于熙政堂○上親行晝茶禮于魂殿○庚申
○辛酉召對于熙政堂○以權敦仁為進賀兼謝恩正使安光直為副使宋應
龍為書狀官趙運永為黃海道兵馬節度使○壬戌召對于熙政堂○癸亥○
甲子上御熙政堂引見大臣備局堂上大護軍鄭元容啓言贈右議政襄毅公
金景瑞當壬癸島夷之變糾合義旅為國抗難先自平壤之捷屢立奇功及至
遼瀋之役竟辦卓節天朝劄牌特賜都元帥號宣廟誥旨十授節度使當日委
倚之盛可以想像而捍衛南北克復兩京並美於中興功臣拘繫六年並奴訖
死無愧於斥和烈士列聖褒典曠世無憾而祠宇尚闕額號請下詢大臣處之
大王大妃教曰不必詢問大臣從之○乙丑召對于熙政堂○丙寅召對于熙
政堂○丁卯以李啓朝為吏曹參議○戊辰召對于熙政堂○己巳○庚午以
宋稚圭為刑曹判書金學淳為工曹判書○辛未○壬申○癸酉○甲戌召見
回還三使臣于熙政堂○乙亥○丙子都政下批以洪敬謨為司憲府大司憲
尹正鎮為司諫院大司諫○丁丑召見守令邊將初仕人于熙政堂○戊寅○

己卯○庚辰○辛巳設柑製于泮宮賦居首李憲周直赴殿試○壬午以柳相
祚為司憲府大司憲○癸未○甲申京兆獻民數五部都元戶四萬五千六百
四十六戶人口男女並二十萬三千九百一口八道都元戶一百五十二萬六
千八百八戶人口男女並六百四十一萬一千五百六口

憲宗經文緯武明仁哲孝大王實錄卷之三

二年

清道光十六年

正月乙酉上親行別茶禮晝茶禮于魂殿○丙戌以尹秉烈為吏

曹參議○丁亥○戊子召見時原任大臣閣臣于熙政堂左議政洪奭周啓言

聞故承旨任長源妻貞夫人丁氏今年恰滿百歲堂上命婦也合有拔劍示意

之舉矣大王大妃教曰既有舊例云以貞敬夫人封爵施行衣資食物令本道

從厚題給仍為存問○己丑○庚寅勸講于熙政堂○以沈宜臣為忠清道觀

察使○辛卯勸講于熙政堂○壬辰召見下直守令于熙政堂大王大妃曰守

令無論文蔭武當此之時如有秉彛之心則懷保可哀之民應有治績之可聞

勿以七事之口陳為文具實心對揚可也○大王大妃教曰貢市堂上及有司

堂上齊會于備邊司貢市人詢瘼以入○勸講于熙政堂○癸巳勸講于熙政

堂○甲午太廟各室分奉于慶熙宮光明殿長樂殿以太廟增修也○召見承

旨朴永元于熙政堂宗廟移奉後奉審入來也○乙未勸講于熙政堂○命全

羅監司金興根仍任興根疏遽因大臣劄留許之○丙申勸講于熙政堂○以

鄭元容為兵曹判書徐憲淳為刑曹判書○丁酉召見承旨朴永元于熙政堂

永寧殿移奉後奉審入來也○戊戌勸講于熙政堂○己亥上親行晝茶禮于

魂殿○以洪敬謨為咸鏡道觀察使李惟秀為平安道兵馬節度使○京各司

各營進乙未會計簿戶曹納稅忠職兵曹訓局掌管御營提廳時在黃金一

分零錢文四十八萬七千八百八十一兩七錢八分銀子三十萬五千三百七十四兩二錢四分

一尺八寸五分木一千六百九十一同四十二尺八寸二分米九萬八千九百六十五石二斗六升二

升四未一千一百九十石七斗四升太一萬八千九百六十五石二斗六升二

雜穀三萬一千四百三十九石○庚子勸講于熙政堂○竄宗廟大祝徐元淳于中和府

李晉翼于順安縣以移安時不即待令也○以李志淵為漢城府判尹○辛丑

勸講于熙政堂○乙寅勸講于熙政堂○癸卯勸講于熙政堂○甲辰勸講于

熙政堂○上御熙政堂引見大臣備局堂上及增修都監都提調以下左議政

洪奭周請節財用以恤窮民大王大妃曰此等之言非一非再而終無實效於

民雖萬包千金徒以空言而無補則反不若一石一縷之真個及民而為切已

之資也節用省費予當先勉而卿亦與有司之臣惕念對揚毋徒為紙上之空

文也○以李完植為禁衛大將左邊捕盜大將宋啓翰為司憲府大司憲趙容

和為司諫院大司諫○乙巳勸講于熙政堂○丙午勸講于熙政堂○丁未勸

講于熙政堂○戊申勸講于熙政堂○己酉勸講于熙政堂○以鄭基一為吏

曹叅判○庚戌勸講于熙政堂召見水原留守徐有渠辭陞也○設人日製于

泮宮賦居首林肯洙直赴殿試○辛亥召見入格儒生及下直守令于熙政堂
○勸講于熙政堂○壬子勸講于熙政堂○命院隸之作挈於增修都監諸漢
並查出刑配○癸丑勸講于熙政堂○二月甲寅上親行晝茶禮于魂殿○勸
講于熙政堂○乙卯勸講于熙政堂○丙辰勸講于熙政堂○掌令盧光斗上
疏略曰孟子於齊宣王非堯舜不陳於滕世子言必稱堯舜學堯舜之道只在
一部小學而綱領有三曰立教也曰明倫也曰敬身也就以典謨觀之命夔命
契立教之事微典敦禮明倫之事欽明溫恭敬身之工也此唐虞三代之所以
莫及而我朝列聖相承以小學為教化先務立訓義以敦蒙士設諄解以諭家
邦以至試士取人必先小學大比而設講庠製而置額雖愚夫愚婦皆知小學
之方嗚呼今日何等時也黃籬干尺知思漸長一念之間聖狂分焉一言之際
治忽係焉則此誠為堯為舜之一大機會也臣不勝狗馬之誠謹採諸經中彙
倫上切實語各一編足以小學一二章逐條付末寫成一冊子茲敢奉獻講筵
之暇時賜觀覽則未必不為萬一之助也批曰言出忠悃而所陳冊子亦為切
實極為嘉尚矣○大王大妃教曰今見掌令盧光斗陳勉疏及所進冊子藹然
忠悃發於真情不啻嘉尚遠人事尤貴右副承旨許述其代除授以示朝家獎

用之意○丁巳勸講于熙政堂○戊午勸講于熙政堂○上御熙政堂引見大臣備局堂上左議政洪奭周曰盧光斗上疏特賜嘉納至有承宣特授關西道薦二人亦令六品職調用一則開言路也一則慰遠人也第古語云立賢無方朝家之西北兩路宜無異同而北關之寥寥無聞甚於西路豈真無人才而然乎臣聞北關前道臣權敦仁之言則道內學行表著者有若而人云矣大王大妃教曰既知其有實行之人則豈可不用乎待後登筵當問之矣○副司直姜時煥疏曰惟我殿下冲年寶位瑩瑩銜恤我慈聖殿下夙夜簾闈孜孜憂勤積慶攸餘天必祚宋而抑無疆之惟休惟恤也自古輔幼主攝國政此果何等時何等事也歷攷往牒治日常少亂日常多政宜承弼倚毗之地同寅協恭鞠躬盡瘁一以周召孔明之心為心而不容一日之悠泛他泄也明矣因以勤聖學恤民隱立紀綱節財用詰戎政革科獎六條陳勉大臣三司以輔幼攝政句語之為無嚴迭討之初命屏裔諸臣爭益力遂鞫于王府大王大妃教曰此事子意則初不至此而以有關主上聖孝之故勉從矣其間數次究問非但無端緒昨見爰辭天奪其魄云者足為渠斷案主上方在冲年今若殺渠則八方人情不知其罪關係之莫重其不曰殺言者累初政乎罪人姜時煥絕島安置當日

押送諸臣如或爭執則非但不知子本意非誠心事冲王之道也○己未勸講

于熙政堂○庚申勸講于熙政堂○辛酉勸講于熙政堂○壬戌召見三使臣

于熙政堂進賀兼謝恩正使權欽仁副使安光直書狀官宋應龍辭陞也○勸講于熙政堂○癸亥勸講

于熙政堂○以李翊會為司憲府大司憲○甲子勸講于熙政堂○乙丑召見

忠清監司沈宜臣于熙政堂辭陞也○勸講于熙政堂○丙寅畫講于熙政堂

○丁卯勸講于熙政堂○戊辰勸講于熙政堂左議政洪奭周曰臣屢以講究

字義之意有所仰陳矣此章中楚捷二字果已領解否上曰果有何義耶奭周

曰捷者打也楚者荆木之名以荆木為笞而捷人也在昔皇明太祖皇帝嘗見

道傍荆木指示太子曰古者用此為笞扑以其能去風散血受刑者雖觸寒不

至生病也太祖見一微物能觸類體認於先聖王愛民之意文義解釋之際亦

必於此等處留心理會則其為裨益當不淺矣閣臣趙寅永曰捷之用楚非有

荆之木也去其荆而用其幹此聖王欽哉惟恤之意也○己巳勸講于熙政堂

○庚午勸講于熙政堂○辛未勸講于熙政堂○壬申勸講于熙政堂○以金

蘭淳為刑曹判書○癸酉畫講于熙政堂○甲戌勸講于熙政堂○乙亥召見

咸鏡監司洪敬謨于熙政堂辭陞也大王大妃教曰近來各道無不凋弊而至

於本道則南關雖稍勝而北關甚焉民不知有朝廷至於不知有方伯本以豐沛之鄉尤為自別而蓋守令臧否專係於方伯民生休戚亦係於守令卿其下去審其黜陟以為實心對揚無孤此委寄之重焉○勸講于熙政堂○丙子○丁丑以徐熹淳為司憲府大司憲○戊寅設慶科庭試于景福宮文取朴來萬等十人武取張繼燮等二百九十三人○己卯○庚辰設三日製于泮宮○大王大妃教曰守令之不過十餘朔數十朔遞易者雖欲治何暇為治乎無論文蔭武朔數前無端圖述者吏曹如或拘於顏面草記罷黜則當該守令即其地定配吏曹堂上自政院罷職傳旨即為捧入○辛巳○壬午上御春塘臺設武重試取李明錫等一百九十五人設文重試于仁政殿取金錫淳等五人○癸未○三月甲申大王大妃教曰今初五日即我英宗大王昇遐之舊甲也新舊愴慕之痛益新矣當日元陵酌獻禮遣大臣攝行○大王大妃教曰是年是月即我正宗大王御極之周甲也罔極之痛於戲之思靡所逮及初十日華寧殿酌獻禮遣大臣攝行○以金教喜為吏曹參議○乙酉○丙戌○丁亥○戊子以金煥為禁衛大將具信喜為左邊捕盜大將○召見奉審大臣李相璜于熙政堂元陵奉審後入來也○己丑○庚寅以李敦榮為成均館大司成○辛卯

○壬辰○癸巳○甲午○乙未○丙申○丁酉元陵華寧殿酌獻禮時獻官以下施賞有差元陵大祝徐戴淳華寧殿執禮趙在慶大祝權濩並加資○戊戌○己亥○庚子○辛丑○壬寅○癸卯○甲辰○乙巳台見回還冬至三使臣于熙政堂○丙午翼宗大王胎室加封時觀象監提調以下施賞有差提調兼書標官申在植京畿監司金道喜監役兼都差使負柳基常並加資○丁未○戊申○己酉○庚戌召見承旨尹聲大于熙政堂宗廟永寧殿還安時奉審後入來也○辛亥○壬子太廟增修都監都提調以下施賞有差提調李止淵徐耕輔都廳金大根尹興圭並加資○以趙斗淳為吏曹參議金教喜為成均館大司成○四月癸丑日有食之○上親行晝茶禮于魂殿○甲寅○乙卯上詣仁政殿月臺親傳孝和殿夏享香祝○丙辰上親行魂殿夏享○丁巳上御熙政堂引見大臣備局堂上左議政洪奭周啓言永平縣胎室加封之役今既告完依例陞為郡守之意請分付銓曹大王大妃從之命故縣監崔慎加施馳贈之典因咸鏡前道臣權敦仁所奏廟堂覆啓而許之慎鍾城人也遊宋時烈之門承受秉執不渝至於斃其身而不悔如李載亨韓夢麟為其私淑後進關北性理之學自慎始學者咸宗之命鍾城前叅奉南大任六品職調用吉州士人

林宗七京職調用兩人有經行皆辭不赴大王大妃教曰以洪剛還獎事前後
牧使無論治與不治或配或錮者不得不然而若不釐革還獎則無所益矣奕
周曰守令之恣意犯科虐民病公者率多倖免其無身犯者往往因事勢之不
得已反被徒配矣大王大妃曰若此不已則列邑守令將無一人可以免罪者
大臣退而相議須思善處之策可也奕周曰是年是月即我正宗大王御極之
周甲也昔我正廟當甲辰英宗大王踐阼之舊甲辰拜真殿誕宣綸音若曰予
今日所當勉者惟在於紹述我先大王心法遵我先大王制度保我先大王朝
紳安我先大王黎庶今殿下所當勉者又豈不在於仰述我正廟心法乎試以
昔年春坊日記及政院記注奉考數十年之間未曾有一兩日不接臣隣之時
則亦可以仰想遺範矣見今講筵之停撤已跨一朔之久而尋常晉對亦從而
稀濶目下攝養之道固不得不然而清燕之中玩繹討論初無妨於保護節宣
自今日以後益加警惕壹以正廟聖工為準則於學也則講對顧問惟恐一日
之或曠於民也則詢訪軫察惟恐一夫之不獲先從此二事念茲在茲則其為
光於繼述之孝豈有大於是者乎上曰所陳出於至誠而勉以繼述之義敢不
奉以周旋乎○命華城流亡絕戶未捧還穀七百石蕩減因大臣復命後所奏

也○戊午以宋穉圭為司憲府大司憲金教喜為司諫院大司諫李濟完為忠清道水軍節度使金正喜為成均館大司成○己未○庚申上親行晝茶禮于魂殿○以尹正鎮為司諫院大司諫○辛酉○壬戌○癸亥○甲子○乙丑鄭奎欽伏誅奎欽公州人也出沒京鄉憑托校院以作偽購人為伎倆與東學祠祠儒輩有釁自作通文授傳崇賢書院其中一二向上犯莫重涉不道語冒錄其所媚嫉人等姓名為嫁禍計又自辱其祖先要掩其跡事覺先自秋曹究覈仍移鞫王府以犯上不道結案正法○丙寅○丁卯○戊辰○己巳○庚午以趙寅永為禮曹判書○辛未○壬申上御熙政堂引見大臣備局堂上左議政洪奭周啓言日前賓對伏承慈教以還穀虛勘守令律名事有爛簡稟奏之命矣大典倉庫條有曰虛錄守令徒三年定配又五年禁錮掩置之守令徒配勿揀赦典蓋虛錄云者即指始通作俑之守令也近來掩通守令之與始通同勘未免有混淆之歎自今以後始通則一依本律並施配錮其襲謬掩置者若無任內身犯則只勘以徒配著為定制大王大妃教曰前後守令每每無區別而同為被罪一併禁錮事甚悶然今聞卿言古法即然依為之奭周又啓言妖言之禁自來至嚴謹稽律文有曰凡造讖緯妖書妖言及傳用惑衆者皆斬而習

俗好異民志靡定往往以妖誕不經之說相與傳播不知自干於大禁好亂樂禍之徒又從而做出凶言以為煽動誑惑之資此不痛加懲禁則難言之慮必將無所不至為先以臣所奏出舉條頒示中外此後如有現發者請一依律文施行大王大妃教曰奚啻嚴禁而已予之平日所嘗絕痛者此也依為之命東萊金厚伯不待時處死厚伯以船主駕海遇風將漂到日本境舟中有婦女三人疑為異國所禁縛投水中事發因大臣奏讞援大明律一家殺三人之文施之○公州東學書院本東鶴寺也有端宗朝六臣招魂記使僧徒主持後為鄉儒輩移設為書院至是有鄭奎欽事命毀院為寺照舊令緇衲守護○召對于熙政堂○癸酉○甲戌晝講于熙政堂○乙亥晝講于熙政堂○丙子○丁丑勸講于熙政堂○戊寅勸講于熙政堂○己卯○庚辰○辛巳○壬午○五月癸未以李止淵為刑曹判書金宅基為黃海道水軍節度使○甲申○乙酉○丙戌○丁亥以金履載為司憲府大司憲朴永元為司諫院大司諫○戊子上諸孝和殿行酌獻禮是日忌辰也執禮工曹參議洪學淵大祝應教李堧禮房承旨李魯集並加資○己丑召對于熙政堂○以申緯為司諫院大司諫○別講于熙政堂○以洪命周為漢城府判尹○庚寅召對于熙政堂○別講于熙

政堂○辛卯召對于熙政堂○壬辰召對于熙政堂○別講于熙政堂○癸巳
召對于熙政堂○甲午○乙未召對于熙政堂○丙申召對于熙政堂○別講
于熙政堂○丁酉○戊戌召對于熙政堂○己亥以李憲球為吏曹叅判○庚
子○辛丑奎章閣啓言純宗大王御製正書本十冊三件翼宗大王御製正書
本六冊五件純宗大王翼宗大王御製合附列聖御製本十二冊七十件及別
印純宗御製八冊內下紙八件唐紙九件翼宗御製五冊內下紙五件唐紙六
件奉印以入教曰純宗大王御製翼宗大王御製列聖御製合附本奉謨堂文
獻閣五處史庫外奎章閣內閣王堂藏書閣西庫各一件奉藏監印閣臣各一
件頒賜繕寫校準及校正監印閣臣提學趙寅永原任提學鄭元容提學徐有
鏞檢校直提學徐熹淳直提學朴永元原任直閣徐俊輔李光文李嘉愚李景
在直閣李公翼原任待教李憲璋金正喜檢校待教趙斗淳並加資○壬寅召
對于熙政堂○別講于熙政堂○以李敦榮為吏曹叅議○癸卯召對于熙政
堂○別講于熙政堂○甲辰召對于熙政堂○別講于熙政堂○乙巳召對于
熙政堂○別講于熙政堂○丙午召對于熙政堂○別講于熙政堂○丁未上
御熙政堂引見大臣備局堂上左議政洪奭周曰金銀開礦之禁不但為農務

之妨奪而已。驅無賴之民於爭利之地，其勢必至於相聚為盜。故國朝成憲自來至嚴，而私設礦冶恣意採取者，往往入聞為先，關飭於各道，道臣使之痛禁。大王大妃從之，大王大妃曰：「向見使臣先來狀啓，則因我國下屬之生梗，至于館所之防禁云，非但事體之傷損貽羞甚多，若有大於是者，則責將何歸？此實非細慮。此後則須思別樣禁戢之道，更無令有似此之弊也。」○召對于熙政堂。○行文衛會圖三點金道根趙寅永徐有渠鄭元容申在植以趙寅永為大提學。○以朴晦壽為刑曹判書李熙輔為慶尚右道兵馬節度使鄭日永為全羅左道水軍節度使。○戊申召對于熙政堂。○己酉。○庚戌。○辛亥。○壬子。○六月癸丑。○甲寅。○乙卯。○丙辰。先是御用湯劑以生材炒研內入及煎之，銀罐色變，令秋曹盤覈有內閣隸從藥院隸借研器搗碾黃川椒而去醫屬實不知，而以其器研內入之劑，命醫官醫吏內閣隸減死宥配三提調罷職，仍嚴禁入直官負及披隸輩從內局誅求藥料之習。○丁巳。○戊午。○己未。召對于熙政堂。○大王大妃教曰：淑善翁主正宗大王貴主先大王同氣，惟一人，再昨年以後，依賴貴主之情理，尤為懇切矣，豈意今日當此之境，慟矣，奈何。遣中使護喪，致賻禮葬等節，令該曹依例舉行，成服日，遣內侍致吊，致祭東園副器一部，輸

送事分付○庚申○辛酉召見回還進賀兼謝恩三使臣于熙政堂○壬戌○
癸亥○甲子○乙丑○丙寅○丁卯○戊辰召對于熙政堂○己巳○庚午上
親行誕辰酌獻禮及晝茶禮于魂殿○以李顯英為咸鏡北道兵馬水軍節度
使○辛未以李相瑋為實錄摠裁官李寬奎為京畿水軍節度使兼三道統禦
使喬桐府使○壬申上御熙政堂引見大臣備局堂上大王大妃曰向來陵幸
祭馱陪去時婢子為祭官所止呵始認偶然日前陪去之飯監許又有此事云
祭馱自有所重則止呵實為未安承宣退出以此意警飭可也左議政洪奭周
請捧現告拿處大王大妃曰不必張大姑為申飭使之後勿如是可也奭周曰
大政非久當行矣今日國勢民命之所寄專在於字牧之任知人之難自古已
然而曾前屢試之人既有實蹟之可按至於罷軟昏憤全不勝任與貪污殘刻
無意恤民者雖在未試之前亦當莫掩於公議秉銓之臣今方登筵更以此意
預加勉飭大王大妃曰所陳誠如子意而前後申飭銓官終無對揚之實效有
飭而無效則飭將何益予則不欲更言第當觀之而已奭周曰自上以不欲提
飭為教而辭旨之嚴實倍於提飭今日掌銓之臣皆是朝家倚毗之人而又
登筵席聞此下教豈敢不惕然震懼思所以精白對揚乎大王大妃曰大駸方

在冲年國勢孤危予於哀疚之中不省外事凡百措施惟倚望廷臣而已銓官之擇守令非但為民即為國也守令已試之人臧否不難聞知而揀選之際未見其取捨之必當誠極慨歎矣大王大妃曰江東前倖嚴錫履間有治績亦是可用之人而不幸身故實為惻然矣奭周曰倖門多歧恩賞太頻殆不識朝廷官爵之為貴此實目下弊端之最可憂歎者而雖以武臣之雜歧陞資言之宣薦初仕之綽有前程者又何可不踐階級徑躡於匪次之職乎至於叅下宣傳官之直超緋王尤是前所未聞日前騎曹試射時以叅外實職陞資者並令勿施此後宣薦叅下官之以射技當在論賞之科者勿為超資只以陞六施行之意請著為定式大王大妃從之○癸酉○甲戌○乙亥○丙子○丁丑都政下批以洪奭周為實錄摠裁官宋稚圭為司憲府大司憲尹尚圭為司諫院大司諫沈漢永為全羅道兵馬節度使○戊寅召對于熙政堂○己卯召對于熙政堂○庚辰以金鏞為司憲府大司憲朴永元為司諫院大司諫○辛巳行藥院入診于熙政堂召見下直守令○七月壬午上詣仁政殿月臺親傳孝和殿秋享香祝○上親行晝茶禮于魂殿○癸未命前右議政朴宗薰本兼職仍任宗薰前以藥院都提調在罷散也○甲申召對于熙政堂○乙酉召對于熙政堂

○丙戌以徐耕輔為吏曹判書○左叅贊朴周壽卒○全羅監司金興根以綾
州等邑民家漂頽二百九十一戶人命淪壓死九十七名啓○丁亥○戊子○
己丑以金蘭淳為兵曹判書金箕殷為議政府右叅贊○庚寅○辛卯○壬辰
上詣孝和殿展謁○癸巳召對于熙政堂○甲午○乙未召對于熙政堂○丙
申上親行晝茶禮于魂殿○丁酉召對于熙政堂○戊戌○己亥以張教根為
成均館大司成○庚子○辛丑上御熙政堂引見大臣備局堂上○以金私根
為私文館副提學○壬寅召見各道京試官都事于熙政堂大王大妃曰試官
都事皆詳聽予言昨年試官之去曾有別飭而終不無不義之說以致怨歸於
國家即今人心雖曰危險若無自失之端則豈有物情拂鬱之理乎非無嚴處
之意而傳聞不可取信故不為追究今番若復如前則無論虛實當勘重典將
如何試取諸試官都事奏曰當竭誠奉公大王大妃曰予今勉飭之不已爾等
各自惕念無或踈忽皆以至公善試可也○召對于熙政堂○癸卯勸講于熙
政堂○以李憲璋為私文館副提學○甲辰勸講于熙政堂○乙巳勸講于熙
政堂○丙午勸講于熙政堂上曰恂恂之義何也閣臣徐俊輔曰恂恂信實之
意而信者存誠之謂也實者無偽之謂也上曰大臣陳之右議政朴宗薰曰恂

恂誠實無偽之謂也孔子恂恂之行不但於鄉黨為然而鄉黨父母所在故必如是則其在朝廷之上尤當如何一章之中發問此恂恂二字之義聖意至矣

○丁未勸講于熙政堂○辛亥勸講于熙政堂○八月壬子上親行晝茶禮于魂殿○勸講于熙政堂○辛亥勸講于熙政堂○八月壬子上親行晝茶禮于魂殿○勸講于熙政堂○癸丑勸講于熙政堂○甲寅勸講于熙政堂○行館錄五點

李東迪權大肯趙荅昇鄭灑李殷相李在直南獻中洪說謨徐憲淳朴齊憲曹雲承俞鎮五洪翼燮趙雲澈金在根韓荅源李晉翼李時在李正履金德喜取二十人○乙卯勸講于熙政堂○給昌原等邑漂頽戶恤典○丙辰勸講于熙政堂○丁巳勸講于熙政堂○戊午勸講于熙政堂○己未勸講于熙政堂○庚申上親行孝和殿誕辰酌獻禮○以閔泰鏞為吏曹參議曹鳳振為刑曹判書○辛酉勸講于熙政堂左議政洪奭周曰年前藝文館回祿之後列聖朝實錄所當改印體重役鉅尚今未遑矣正廟實錄年代尤近見存半秩尤不可不先即補完今方有開庫奉審之舉其中當為補印之卷陪來于本館待新修實錄印出時仍為借印恐不可已從之○壬戌勸講于熙政堂○行都堂錄會圈四點李東迪朴心壽鄭蓋姜時永權大肯趙荅昇鄭灑金穰根李殷相李在直

南獻中洪說謨徐憲淳朴齊憲曹雲承俞鎮五林基洙李繪九李魯確洪翼燮
曹錫亨趙雲澈金在根韓啓源李晉翼李時在李源達李正履金德喜朴采萬
取三十人○癸亥勸講于熙政堂○甲子勸講于熙政堂○乙丑勸講于熙政
堂○丙寅勸講于熙政堂○上親行晝茶禮于魂殿○丁卯勸講于熙政堂○
召對于熙政堂○戊辰勸講于熙政堂○召對于熙政堂○己巳勸講于熙政
堂○召對于熙政堂○庚午勸講于熙政堂○辛未上御熙政堂引見大臣備
局堂上左議政洪奭周曰今年農事播種及時幸有大登之望矣五旬亢旱百
穀俱損窮餓之間已有顛顛之形接濟之策不可不及今講究矣右議政朴宗
薰曰恤民之政固不出於蠲減調恤之外而多為事勢所掣每難如意最所切
要實在於守令之得人假使艱食之民苟無割剝之政則視同樂歲矣奭周曰
棘章之臣以弓馬為事故雖位至元戎亦不得乘軒蓋其職然耳近聞堂下武
倅亦皆無難乘轎云不勝寒心令道臣隨即糾察如法論勘大王大妃從之○
晝講于熙政堂○以李完植為禁衛大將○給慶州等邑漂額戶恤典○壬申
勸講于熙政堂○癸酉勸講于熙政堂○甲戌勸講于熙政堂○乙亥勸講于
熙政堂○設七夕製于洋宮○丙子勸講于熙政堂○召見入格儒生于熙政

堂○丁丑勸講于熙政堂○以金胤根為司諫院大司諫○戊寅召對于熙政堂○已卯召對于熙政堂○以洪稚圭為司諫院大司諫○庚辰召對于熙政堂○九月辛巳上親行朔祭及晝茶禮于魂殿○召對于熙政堂○壬午召對于熙政堂○癸未召對于熙政堂○甲申召對于熙政堂○乙酉勸講于熙政堂講大學○上御熙政堂引見大臣備局堂上大王大妃曰年事慘凶民之衣食將至俱艱誠甚悶然農者即民之本而農既失稔民不聊生則轉而國受其害矣靜究厥由寔以予躬之忝居此座無所猷為故天降灾咎以示警告惶仄之外愧懼交深矣左議政洪奭周曰見今君臣上下之所當孜孜講行者惟民事為急凡費用之出於民力者如非萬不得已則一切以裁損為主蠲減之周恤之惟力所及靡不用極而後庶可以鞏固邦本矣大王大妃諭兩銓曰年事如此民皆將至死境而就中守令不各別擇差則此便是自予手畫劉之也每當都政雖有申飭而猶不免為例談謂此時主上幼冲婦女不識政事恣為其所欲為然從容之時反而思之則雖自己所為之事應亦自愧而不知之中得罪於天地祖宗即今兩銓尤與他自別之人雖一政事勿謂無關係而放心徇私萬一作罪則不但他日無歸拜先王之顏卿輩先祖亦何可以見之乎○以

鄭元容為司憲府大司憲○召對於熙政堂○丙戌勸講于熙政堂○召對於熙政堂○丁亥上御仁政殿行秋到記講居首洪在重製述表居首李謙洙並直赴殿試○勸講于熙政堂○召對於熙政堂○戊子召見入格儒生于熙政堂○勸講于熙政堂○己丑勸講于熙政堂○上親行晝茶禮于魂殿○召對於熙政堂○庚寅晝講于熙政堂○辛卯勸講于熙政堂○召對於熙政堂○壬辰設九日製于泮宮○勸講于熙政堂○召對於熙政堂○癸巳勸講于熙政堂○召見入格儒生于熙政堂○召對於熙政堂○以朴永元為吏曹參判趙秉龜為成均館大司成尹聲大為慶尚道觀察使○甲午勸講于熙政堂○召對於熙政堂○以宋稚圭為司憲府大司憲○乙未月有食之○勸講于熙政堂○上親行晝茶禮于魂殿○丙申勸講于熙政堂○丁酉勸講于熙政堂○戊戌勸講于熙政堂○己亥勸講于熙政堂○庚子朝講于熙政堂○辛丑勸講于熙政堂○召對於熙政堂○壬寅勸講于熙政堂○以宋冕載為司憲府大司憲○召對於熙政堂○癸卯勸講于熙政堂○甲辰勸講于熙政堂○乙巳以李光文為刑曹判書○丙午○丁未○戊申以趙秉龜為吏曹參議金履載為司憲府大司憲洪義瑾為司諫院大司諫李根中為成均館大司成○

己酉○庚戌○十月辛亥○壬子○癸丑上親行冬享于孝和殿○甲寅○乙卯上御熙政堂引見大臣備局堂上戶曹判書李止淵啓言江原監司年分狀啓中以田稅大同停退事至登後錄矣道臣所陳雖出於民情之切急而正稅法意至重該監司韓益相請罷職從之左議政洪奭周劄請仍任又從之○以李鼎臣為司諫院大司諫李嘉愚為弘文館副提學○丙辰勸講于熙政堂○丁巳勸講于熙政堂○召對於熙政堂○戊午勸講于熙政堂○己未勸講于熙政堂○以鄭元容為司憲府大司憲○庚申以權敦仁為漢城府判尹○晝講于熙政堂○辛酉勸講于熙政堂○太王大妃殿加上尊號文仁王大妃殿上尊號孝裕尊崇也○純宗大王廟庭配享臣賓廳會圖九點領議政李時秀金載瓚右議政金履喬吏曹判書趙得永○壬戌勸講于熙政堂○以洪鍾遠為史曹參議沈能岳為議政府左叅贊宋冕載為右叅贊○癸亥勸講于熙政堂○甲子勸講于熙政堂○乙丑上親行望祭及晝茶禮于魂殿○勸講于熙政堂○丙寅召見三使臣于熙政堂李彥正使申在植副使○勸講于熙政堂○丁卯上御熙政堂召見慶尚監司尹聲大大王大妃曰卿之謹慎庶約朝家之洞燭而本道物衆地大俗厚儲豐足可恃於緩急矣今不如古轉益

凋殘連值荐歉生靈饑寒將填溝壑晝宵洞屬食息不甘以卿東道已試之績固不待加勉也本道綿亙比他道尤甚大同木特許折半代錢以紓民力之一分須體此意撫摩存恤俾無南顧之憂馬九重雖深亦有入聞之道惕念對揚可也○勸講于熙政堂○戊辰勸講于熙政堂○以宋稚圭為司憲府大司憲○己巳勸講于熙政堂○庚午上御熙政堂引見大臣備局堂上左議政洪奭周曰錦伯以道內厓結癸巳以後查隱之六千餘結疏請還給矣此結即搜剔於奸吏囊橐中者既查之後復議濶狹事體寧容如是而第其列邑舉行多失本意白地之徵專歸小民况今湖西歉荒猶患常賦道臣所謂一路人心離合之機非過實也臣謂白徵之結不復徵稅允為懷保之先務大王大妃曰民情之違急者雖為難慎依此為之可也○畫講于熙政堂○辛未勸講于熙政堂○以李相璜為祔廟都監都提調金道根李止淵趙寅永金學淳為提調○壬申雨而雷○大王大妃戒膳上亦如之下教求言○勸講于熙政堂○癸酉勸講于熙政堂○甲戌勸講于熙政堂○大王大妃教曰日前既有大臣筵奏而日寒甚緊輕囚勿為滯囚即速決放事分付○乙亥上御熙政堂引見大臣備局堂上○丙子勸講于熙政堂○丁丑○戊寅○己卯竄崇陵別檢李晚奎祭

奉宋欽俊以一時空齋也○十一月庚辰上親行晝茶禮于魂殿○辛巳○壬午○癸未○甲申○乙酉○丙戌大王大妃教曰北路獻形近年中似為景甚冬節及春窮民情遑急景狀如目見矣本道所納麥布許令代錢而其中折半用於賑資端川當年條貢銀一體劃給進上鹿茸折半停捧一並補於賑資○丁亥以金正喜為成均館大司成韓應浩為忠清道兵馬節度使○戊子○己丑上親行朝上食于魂殿○庚寅上親行朝上食晝茶禮于魂殿○辛卯上親行朝上食晝茶禮及夕上食于魂殿○壬辰上親行祥祭及別茶禮于魂殿○癸巳上御熙政堂召見時原任大臣領敦寧時原任閣臣大王大妃教曰兩朝御真當為奉安而見今璿源殿未有空室事當增建矣第念此非國初所有之事國祚期以萬年以無窮之情理世世增建則與宗廟未有異矣以此時痛寃之情理雖不忍為之語而欲自今番為始璿源殿不復增建此言何如欲聞卿等之所見矣奉朝賀南公轍曰今日簾帷之前仰承此教斯實出於為萬世深遠之思矣慈念之及此卓越前古迥出尋常臣等欽歎資頌之不暇豈有他議耶今茲下詢若書諸史牒亦必有光矣諸大臣齊聲力贊又教曰卿等所奏歸一子之初見則兩廟御真欲為奉安於華寧殿矣更思之華寧殿則有祭享矣

一殿之內無以異同景慕宮望廟樓奉安正廟御容矣兩朝御真四本一體奉安又四本奉安於景祐宮齋室則先朝平日聖孝可為一分仰慰之道以此為定則何如公轍等又力贊之○山陵守侍陵官魂殿享官以下宗戚執事施賞有差享官與完君是應廣州留守朴岐壽加資○甲午上親行別茶禮于魂殿○乙未召對于熙政堂○丙申召對于熙政堂○給巨濟府滄戶恤典○丁酉召對于熙政堂○戊戌以金炳朝為吏曹叅判○己亥朝講于熙政堂講論語○庚子大王大妃教曰大殿大學畢講矣慶幸莫過於此子心嘉悅何以形喻乎前後侍講之大小官僚處施賞以示喜意○召對于熙政堂○以宋啓幹為司憲府大司憲○辛丑勸講于熙政堂○壬寅勸講于熙政堂○癸卯勸講于熙政堂○甲辰上御熙政堂引見大臣備局堂上左議政洪奭周曰臣竊有區區私懇亦有關於朝家事體者恩賞之典在所慎惜爵秩名器尤不宜濫今番宗戚賞典臣之從子祐詰猥被陞叙之恩渠已濫叨準職例當陞通政之階矣渠之年紀今纔為二十四歲特賜體諒快許還收大王大妃曰所奏固當而且好矣左相家謹慎謙約之風嘗所欽歎而又有此言實是公私之美事其為成美之地陞叙則特為還收賞典則不可已者自內當下豹皮一合矣須以此意

傳布於枯結也○乙巳勸講于熙政堂○丙午勸講于熙政堂○丁未勸講于熙政堂○戊申勸講于熙政堂○己酉勸講于熙政堂○十二月庚戌上親行別茶禮于魂殿○勸講于熙政堂○給平海郡燒戶恤典○給薄衣軍及流丐恤典○辛亥勸講于熙政堂○壬子勸講于熙政堂○癸丑勸講于熙政堂○甲寅勸講于熙政堂○乙卯給寧海等邑燒戶恤典○丙辰○丁巳○戊午○己未○庚申○辛酉行祈雪祭○設推鞠于義禁府罪人南膺中原情○壬戌○癸亥備局啓言今年岷農未免全歉當設公賑者至為三十四邑鎮之多民勢切急可以想見本道請劃各穀八萬石與空名帖五百張並許準施允之○甲子○乙丑○丙寅差下拊廟都監提調鄭元容○丁卯上御熙政堂召見鞠廳諸大臣及禁堂三司諸臣○戊辰金吾以大逆不道罪人南公彥軍器寺前路不待時凌遲處死啓○己巳○庚午大王大妃教曰設鞠幾日端緒可謂得乎不得乎逐日會坐而旋罷雖謂之好箇消遣法可也推案既入姑罷傳教未下而各歸私次者古法本自如此乎鞠情嚴秘何如而各司下隸充滿於堂上堂下云委官以下苟有一分嚴畏忌憚之心寧至此境如許國體如許紀綱豈意生坐而見之乎此意政院知悉○辛未○壬申鞠南膺中慶中處死賞告變

人千璣英為五衛將膺中族鄙皆閹閹也性巧惡嗜騙人財產驅逆謀出沒京外為註誤計事覺知不免逃入東萊倭館投書做窮凶不道說圖挑兩國釁館倭不信之捉給我人至是鞫之與慶中承服公彥其徒伍也鞫庭亂言尤窮凶并孛戮之膺中首級命懸示倭館仍撰出別書契傳給館守倭以示其重約信敦交好之意○癸酉夜召見鞫廳諸大臣禁堂于熙政堂請對也○甲戌都政下批以金銘為司憲府大司憲南履懋為司諫院大司諫○大司憲金銘疏略曰臣伏聞日昨鞫坐一大臣以賊囚亂招力主請覈之論至有求對之舉雖未知其意之何居而蓋其囚招凶言前後段落即是一串則今之所謂言根即前供之凶言也若曰此招足以疑似則何至於多日拖過若曰此招都是謊譖則又何至於深夜求對乎遽欲盤覈則彥凶鞫庭之肆發膺賊倭館之誣言皆可也其在直道無隱之義固當剖析仰奏而反作衰如樣子至以未聞於僚相禁堂質言仰奏云苟如是則參鞫本意果是何事求對初心終何不言臣於是未敢謂大臣此論無所為而發也伏願仰稟東朝亟降處分批曰大臣昨日事豈有他意於此獄卿言太甚矣○乙亥上御熙政堂召見守令邊將初仕人○召

對于熙政堂○丙子○丁丑三司合啓請左議政洪奭周削奪官爵門外黜送賜批從之○戊寅上親行別茶禮于魂殿○京兆獻民數五部及八道都元戶一百五十五萬九千六百五十一戶男三百二十七萬二千六百二十六口女三百二十六萬五千五百八十一口濟州三邑都元戶一萬五千七百六十戶男三萬五千九百五十三口女三萬九千一百六十七口○是歲嶺南關東北饑

(B)
732.55
4724
[v.28]
no.1
0230294

昭和七年七月十五日印刷
昭和七年七月二十日發行

(景李朝實錄太白山本)

京城帝國大學法文學部

京城府蓬萊町三丁目六十二・三番地

印刷所 朝鮮印刷株式會社

(B)
732.55
4724
[v.28]
no.1